

Partiit ataasiakkaat aamma Naalakkersuisut Tunguiinnermut periuseq qanoq paasinerat pillugu kiisalu Namminersorlutik Oqartussat Tunguiinnermut periuseq qanoq ittoq attanniarneraat pillugu apeqquteqaat tunngavigalugu oqallinnissamut siunnersuut.

(Inatsisartunut ilaasortaq Niels Thomsen, Demokraatit)

Akissuteqaat

(Aningaasaqarnermut Naalakkersuisoq)

Naalakkersuisut sinnerlugit siunnersuuteqartoq Niels Thomsen qujaffiginiaqarpara oqallittoqarnissaanik apeqquteqarmat, tamannami ullutsinni inuiaqatigiinnik taaguuteqartitatta ilusilersorneranut tunngaviatigut pingaaruteqarmat.

Tunguiinnermut periuseq erseqqissumik nassuissallugu nalunarsinnaavoq, tassami kikkut tamarmik immikkut tunguineq paasisarmassuk taakkulu tunguiinnermut tunguiinnermilu sullissinnermi pisortat inunnut ataasiakkaanut inuiaqatigiinnullu tunniussassaanni immikkut naatsorsuutigisaqartarmata.

Apeqqutigineqartoq qaqugukkulluunniit qaqissinnaasariaqarpoq ammasumillu oqallisigalugu, Naalakkersuisullu inimi maani oqallinnissaq qilanaaraat.

Naalakkersuisut suleqataallu isumaqarsimapput Kalaallit Nunaanni 2009-mi juunimi aqutsisut allanngormata periarfissatsialaasimasoq tunguiinnermut periutsitta nutaamik isigilernissaanut. Pingaaruteqartumik suleqatigiinnissamik isumaqatigiisummi Akileraartarnermut Atugarissaarnermullu Ataatsimiititaliarsuaq pilersinneqarpoq, taannalu erseqqissumik suliaqarnermini Kalaallit Nunaanni massakkut tunguiinnermut periutsip iluarsiiffigineqarnissaanut innersuussuteqartussaavoq. Ataatsimiititaliarsuup ilaannakortumik nalunaarusiaa siulleq ukioq manna maajip 25-anni piareersimassaaq.

Pineqartorli Niels Thomsenimit apeqqutigineqartoq massakkut periutsip iluarsineqarnissaanut taamaallaat tunnganani annertunerusumik tunngaveqarpoq, tassami taaguut tunguiinnermut periuseq qanoq paasineqassanersoq siunissamilu Kalaallit Nunaanni qanoq ittoq atorineqassanersoq apeqqutigineqarmata.

Aningaasanut inatsit qiviaraanni suliaasat sorliit Naalakkersuisut tunguiinnermut periutsimut ilanngunneqassanersut kissaatigineerat ingerlaannaq takuneqarsinnaavoq. Meeqqat inuusuttullu ajunngitsumik atugassaqartinneqassapput, peqqinnissaqarfik ingerlalluortoq pigineqassaaq, kulturikkut amerlasuunik uummaarissunillu sammisassaqassaaq,

ilinniartitaaneq ingerlalluartoq pigineqassaaq, inissianik ullutsinnut naleqquttunik naammattunik peqartoqassaaq.

Aammattaarli aningaasaqarnikkut nammineq napatissinnaanerusariaqartugut oqaatigineqartareerpoq, tamannalu ilinniarsimanerujartulernerungaatsiarnikkut inuutissarsiomerullu allanngortinnerasigut pisariaqartoq. Apeqquteqaat tunngavigalugu oqallinnissamik siunnersuummi allassimavoq, tungiuinermut periuseqarnek inuiaqatigiit pigisaannik agguaaqinnikkut pisartoq. Taamatut oqarnek Naalackersuisunit ilaatigut isumaqatigineqarpoq. Inuiaqatigiimmi tungiuinermut periuseqarnermikkut sutigut tamatigut ineriartortitsinissamik pilersitsinissamik periarfissaqartitsisinnaaneq pingaaruteqaraluartoq, inuiaqatigiinni ataatsimut pisuussutitsinnik annertusaasussamik kikkullu tamarmik piginnaasartik malillugu taperseeqataaffigisinnaasaannik aamma kinguneqarnissaa pingaaruteqarpoq. Taamaaliornikkut anguniarneqarsinnaalissagaluarpoq siunnerfigineqarlunilu ikinnerusunut tapiissuteqarnissaq pigisattalu tamatsinnut naammannerusumik agguataarsinnaalernissaat.

Naalackersuisunut tungiuinermut periuseqarnek aammattaaq tassaavoq inuiaqatigiit tamarmik toqqissillutik inuuffigisinnaasaat pisariaqartitsilivinnitsinnilu ikiorserneqarfigisinnaasarput. Taamaammatt pisariaqarluinnarfiani aatsaat tunniunneqartassaaq, taamaattoqarneranimi pisariaqartitsineq tunngavigalugu tunniunneqartassamat kajuminnerlu kisiat tunngavigiinnarnagu tunniunneqarneratigut sunniuteqarluarnerusinnaammatt.

Tungiuinermut sulianik paasisimasalik taamaalluni inuiaqatigiit tungiuinermut periuseqartunut naatsorsuutit pillugit allaassimavoq: ” Kikkut tamarmik ineriartorneq perusukkaat arlaannaataluunniilli allannguinnissaq piumanagu.” Naalackersuisut oqaaseqatigiinnik taakkuninnga allassimasoq equilluarsimasoq isumaqarput, taakkumi ersersippaat, inuiaqatigiit tungiuinermik periuseqarnermik ingerlatsisuni inoqarumaarmat namminnek tunniussaqaarsinnaassusertik sinnerlugu naatsorsuuteqarnerusoqarumaartoq, tamannarpiarlugu pissutigalugu piffissaq qaninnerusoq isigalugu naatsorsuutigineqartut oqimaaqatigiinngissinnaanerannik kinguneqarsinnaasartut.

Ungasinnerusorli isigalugu ilinniartitaanikkut annertunerusumillu naammassisaqaarsinnaassusitsinnik annertusaanitsigut tamatta pisuussutitsinnik annertusaasinnaavugut, taamaaliornitsigummi inuiaqatigiittut tungiuinermut periuseqarluta ineriartortitsinissatsinnut akissaqaarsinnaallutalu kinguaariinnut tulliuttunut pitsaanerusumik atugassaqaartitsisinnaassagatta.

Siunnersuuteqartup, Niels Thomseni allappoq, inuk silatooq allassimasoq, kikkut tamarmik ineriartorusuttut allannguinnissarli piumanagu. Naalackersuisut paasinninnerat naapertorlugu allannguinermik piumanani inuiaqatigiit tungiuinermut periuseqarlutik ingerlatsisinnaangillat. Tungiuinermut periuseqarluni ingerlatsinermi allannguinerit pisarumaarput, meerartatta inuusuttattalu uagullu meeqqatsinnik inuusuttatsinnillu ineriartornerminni pitsaasumik atugaqarnissaat ilinniarluarnissaallu piomagutsigu allannguiumassuseqartariaqarpugut.

Tunguinermut periuseqarluni inuiaqatigiit ingerlanneqarnissaanni inuiaqatigiit pigisaannik agguaaqqittarneq kisimi apeqqutaasanngilaq. Pingaarnuvorli, siunissami tunguinermut periuseqarluta ingerlatsissagutta qanoq siunissami ineriartornissamut tunngavissanik pilersitsiniarnitsinni kinguaariit tulliuuttut aamma pilersitseqataaffigisinnaasaannik periarfissiinersugut. Taamaammat meeqqat inuusuttullu inissisimanermikkut atugaliornerusut suliniuteqarfiginerisigut, peroriartorneranni pitsaasumik atugaqarnissaat qaffasinnerusumillu ilinniarsimanissaanik tunngavissiinissarput, inuiaqatigiit pitsaanerusumik tunguinermut periusillit ukiuini tulliuuttuni 20-ni 30-nilu malunnaatilimmik pitsanngoriaateqartitsineq anguneqarnissaani pisariaqassaaq.

Taamatut Naalakkersuisut sinnerlugit oqallinnissaq pissanganartoq qilanaaralugu oqaaseqarpunga.